



Broj: 04-40-1-17/23  
Sarajevo, 18.01.2023. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**  
**za period od 08:30 sati 17.01.2023. do 08:30 sati 18.01.2023. godine**

Usljed obilnih kišnih padavina u toku noći 17./18.01.2023. godine došlo je do porasta nivoa svih vodotoka na području Kantona Sarajevo i povećane opasnosti od poplava, te izlivanje lokalnih potoka. Direktor Kantonalne uprave civilne zaštite Kantona Sarajevo i njegov pomoćnik za mjere zaštite i spašavanja su bili na terenu i u koordinaciji s općinskim službama civilne zaštite preduzimali neophodne mjere i aktivnosti na sprječavanju i otklanjanju opasnosti od poplava.

Stanje po općinama je sljedeće:

**OPĆINA ILIDŽA**

Na području Općine Ilidža u toku noći došlo je do izlivanja Rakovičkog potoka u ul. Rakovačka cesta i Plantaže, poplavljeno dio ulice i okolnog zemljišta, dok je u ul. Kovačavac došlo do izlivanja kanalizacije u prizemlje objekata.

Glavni vodotoci Bosna, Željeznica, Dobrinja i Kasindolska u svojim koritima.

Ekipe civilne zaštite su konstantno na terenu i preduzimaju neophodne mjere zaštite i spašavanja.

**OPĆINA ILIJAŠ**

Na području Općine Ilijaš došlo je do izlivanja rijeke Bosne na lokalni put Ozrenka – Malešići, ali to se po informacijama od Općinske službe civilne zaštite Ilijaš dešava vrlo često i trenutno nema opasnosti po objekte.

## **OPĆINA HADŽIĆI**

Došlo je do izlivanja potoka Kradenik u MZ Pazarić u ul. Bjelašnička, koje je poplavio dvorište i jednu kuću.

Na području MZ Pazarić došlo je do izlivanja rijeke Zujevine koja je poplavila poljoprivredno zemljište i ugrozila nekoliko stambenih i pomoćnih objekata u ul. Omladinska, Bjelašnička i Kahrmani.

Došlo je i do izlivanja potoka Bjelašnica i Korča na nekoliko lokacija koji su poplavili dio lokalnih puteva i ugrozili nekoliko stambenih i pomoćnih objekata.

Ekipe civilne zaštite sa općinskim službama zaštite i spašavanja su na terenu i preduzimaju mjere na otklanjanju opasnosti od poplava.

## **OPĆINA NOVI GRAD**

Rijeka Bosna se izlila na poljoprivredno zemljište u blizi firme Messer.

Na području ostalih općina svi vodotoci su u svojim koritima.

## **BRANA BOGATIĆI**

Prema informacijama dobivenim od dežurnih Elektro distribucije sa hidrocentrale Bogatići jutros u 06:17 sati stanje u akumulacije je zadovoljavajuće, nivo vode je 240 cm, a gornja granica je 290 cm. Podignut je jedan vertikalni segment cca 70 cm.

Kantonalna uprava civilne zaštite – Sektor za mjere zaštite i spašavanja i ekipe svih općinskih službi civilne zaštite s područja Kantona Sarajevo su kontinuirano na terenu prate stanje i preduzimaju mjere iz svoje nadležnosti

**Kantonalna uprava civilne zaštite Kantona Sarajevo** Pripadnici Profesionalne vatrogasne jedinice Kantonalne uprave civilne zaštite Kantona Sarajevo, u izvještajnom periodu imali su dvije manje intervencije i to jednu na gašenju zapaljenog dimnjaka i jednu na otvaranju vrata zaglavljenog lifta.

**Iz općinskih operativnih centara civilne zaštite s područja Kantona Sarajevo, kao i od drugih davalaca informacija** nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

**Elektro distribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave je iznosila 8°C, vlažnost zraka 74%, barometarski pritisak 920 hPa.

**BIHAMK:** Saobraćaj se na području Kantona Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a